



832092

自樂堂遺文



同治八年  
正月編刊

自樂堂遺文

統籌東南軍務摺稿

上元

何

桂芬新書

奏爲統籌東南軍務全局請

飭各路督兵大員迅圖會剿以分賊勢而防北竄仰祈

聖鑒事竊粵賊陷據金陵已十年矣前提臣向榮督兵歷數

年之久相傳懋著戰功實則未收復一城自三年以後

賊分竄安徽河南江西福建浙江等處甚而回竄湖北

湖南兼及廣東廣西推原其故向榮以一旅之師駐守

金陵按兵不動攻戰時少堵禦時多以至將玩兵疲終

無成效其餘各疆臣才並短於向榮更不知兵貴神速

賊則聲東而擊西我則顧此而失彼無怪上年全軍潰

覆蘇松常鎮席卷而空禍延浙省夫粵賊今日之勢非

小弱也非僅負隅以自固也其未遽北竄者蘇省已據

垂涎浙省浙省可圖則東南財富之區盡歸囊括由是

養精蓄銳一旦渡江徐州之匪應之亳州之匪應之山

東河南之匪羣起而應之數省之間將成瓦解雖有謀

臣勇士恐亦無從措手前恭讀

上諭命督臣曾國藩統轄四省軍務仰見我

皇上

念深南服信任專而事權屬矣臣愚以爲曾國藩忠義之心原非向榮可比必不至坐視成敗而責任之重籌畫之繁到處掣肘所值之時更有難於向榮者今楚師雖收復安慶而賊已竄據黃州率掣我軍之後徽州雖捷而賊又竄據嚴州抄在我軍之前畏首畏尾進退維艱將欲大軍南下必責成官文迅將黃州一股立即剿滅以清後路左宗棠帶兵赴浙必先據常玉山要隘以通江西餉道會合張玉良之兵互相夾擊方能一鼓而前撫臣薛煥株守上海擁兵甚厚應令其親督將士進攻蘇州以斷賊添兵援浙之衆如此則浙圍或可望解而大軍始得由桐城舒城進謀收復廬州與水師楊載福會於東壩庶江南之門戶可得然兵有緩速亦有難易賊挾江蘇之全力以攻浙省嘉湖已失人心震動其勢速而易我以孤軍繞道赴浙一深入則糧盡援絕安慶以下賊匪節節堅守我軍節節進攻其勢緩而難是曾國藩之大軍並不能遽抵金陵已可概見既不能遽抵金陵萬一賊謀渡江其鞭長莫及更可概見爲今之計楚師固宜力圖收復而淮揚一帶尤須處處剿防江

北六合縣在天長甘泉之間天長與清江尤近賊攻之最力守之亦最力意在牽掣我軍猶湖北之黃州也鎮江丹陽縣上距金陵句容下接常州武進六年向榮退守丹陽蘇常賴以保全上年張國樑戰沒丹陽蘇常因之全陷其明徵也自蘇常失守一年有餘江以南上海之兵並無往攻蘇州之事鎮江之兵並無往攻丹陽之事江以北揚州之兵清江之兵並無往攻六合之事率皆苟安旦夕希圖貪天之功又不肯推賢讓能以自代卽水師所帶艇船亦不過游弋江面虛耗錢糧並未聞向對岸日尋干戈開放槍炮至團練一節署漕臣王夢齡及督辦之龐鍾璐晏端書等並未將沿江沿河團練如何章程如何布置詳悉入告似此敷衍了事謂足抵渡江之賊果誰信耶豈知長江天塹只此清淮數百里尙可爲南北之限三年以後曾有防河之議不知南河日徙久成平地江不能防未見有能防河者也河臣庚長已貽悞於先尙是擒匪焚掠卽去若粵賊北犯不堪設想卽將該臣等盡予駢戮毫無補於

飭下 都興阿迅簡精兵首先攻復六合並着王夢齡由天長  
進兵與都興阿兩路夾攻鎮江之兵則令進攻丹陽以  
分賊勢其水師各船亦飭其於對江之丹徒口小河口  
江陰口福山口各口岸燬其卡地防具務使聲勢聯絡  
賊膽先寒其清江蔣壩等處再飭王夢齡挑選精兵嚴  
加防堵時與袁甲三會商合爲一氣其沿江沿河一帶  
險要之處應飭龐鍾璐晏端書等履勘情形速將如何  
章程如何布置詳細具

奏

再清江裁撤河員專設重鎮其河灘地畝跨有數縣已

四

改作屯田現在屯兵若干紮營若干最爲第一要務並  
令王夢齡詳繪圖說

奏

聞以便查核總之現在東南制勝之兵只有曾國藩一  
路左宗棠分兵赴浙亦救援之兵而非制勝之兵其他  
處軍情皆遷就徘徊並未與賊交鋒力戰夫能戰而後  
能守今日之急務全在四路進兵以分賊勢並飭各路  
統兵大員激發天良親冒矢石庶可轉危爲安誠使黃  
州克復則江以南之兵無牽掣矣六合克復則江以北  
之兵無牽掣矣又使上海之兵攻蘇州不必卽克蘇州

也而蘇州之賊不及添兵援浙矣鎮江之兵攻丹陽不  
必卽克丹陽也而金陵之賊不敢屢窺京口矣而又江  
面師船多方以擾之沿江團練密布以捍之協力同心  
衆擎一舉夫而後曾國藩一軍乃能中堅直搗埽穴擒  
渠否則各處擁兵觀望日復一日年復一年醜類愈聚  
而愈多民財愈捐而愈竭浙省一去勢必擾及江西饒  
州九江之間一有疎虞曾軍腹背受敵安得所向有功  
江北又剿不成剿防不成防一概視爲具文盡行委之  
劫數是將舉東南全局棄之而不惜乎抑東南糜爛尙  
能保西北高枕而無憂乎相應請

五

旨飭下各督兵大員整頓軍聲尅期進剿其江北防堵團練  
各事宜亦卽實力舉行不可苟且塞責仍請

飭曾國藩傳檄各路凡殺賊有功克復地方者重膺上賞按  
兵不動虛糜帑餉者卽加顯誅務期法令行雲集響  
應俾聲威由此振作而寰宇可望乂安臣愚昧之見是  
否有當伏乞

皇上聖鑒謹

奏

曉諭漢興兩郡堅壁清野示同治五年十一月

爲豫省髮捻圖竄漢南曉諭各屬軍民整頓鄉團速行  
堅壁清野以遏賊氛事照得髮捻兩逆久踞二華一月  
以來築壘挖濠脅從日衆茲得探報該逆廣備乾糧有  
西向之勢漢南秋收較好該逆圖竄久而且堅民氣尙  
未復元何堪再經蹂躪本道已督飭各屬文武密授機  
宜嚴行截剿爾軍民人等尤不可不振刷精神練集鄉  
團以期有備無患該逆東奔西竄迭經追剿除裹脅焚  
掠別無奇謀各地方果能堅壁清野使賊進不能攻退  
無可掠挾大隊之衆深入而無食其勢將不擊自敗此  
歷來禦寇之勝算而行之川陝教匪尤著有明驗現在  
歲將云暮正農隙講武之時矧寇視耽豈可稍萌怠  
玩且夏秋禾苗遍野防護實難若歲晚務閑何難僱集  
人夫運入城寨卽多所耗折究係以當地之米養當地  
之民與齎盜糧者雖顛愚亦能立辨本道服官清要來

六

自

帝京親見

兩宮



皇上宵旰勤勞刻刻以斯民登衽席爲念本道

簡放後蒙

特恩召對

訓以盡心愛民凡閭閻顛連疾苦之情皆

宮闈夙夜焦煩之境爾軍民人等食毛踐土備荷

皇仁當此大兵兜剿之時正宜偕作同仇力遏兇鋒滅此朝

食若復憚勞惜費姑且偷安不但本道無以仰慰

九重卽爾軍民人等撫心自問其何以安自來賊之用兵皆

以裹脅先驅拚命効死故官軍莫當其鋒若扼要嚴防

七

以逸待勞該逆無不聞風而懼卽如此次竄華之賊經

過靈寶閩鄉盧氏等縣因城上開放鎗炮旋即折回是

其明證且本道隸籍金陵咸豐三年髮逆破江甯取蘇

杭東南幾於半壁克焰鴟張到處瓦解惟江蘇之通州

泰州其紳董居民立誓同心殺賊以致該逆十餘萬人

攻撲多次竟不能犯而民團均斬擒數千首級人人奮

勇江蘇半遭蹂躪獨此二州固若金湯亦足見順逆之

勢不侔但能衆志成城卽可膚功迅奏夫十室之邑必

有忠信況秦俗慷慨好義雖婦人女子亦知敵愾今豈

無踵前人之風烈而爲四方傾慕者乎爲此示諭兩郡  
各廳州縣紳董軍民務宜按照各地方情形明定章程  
速行堅壁清野並於年內嚴加防範勿中狡謀總之髮  
捻一日不能殲除卽官與民一日不可安枕再農商居  
民人等粗知字畫於文義未必深曉仍仰該處衿耆將  
來示詳晰剖解俾遐陬僻壤咸知

朝廷德意與本道保衛地方之苦衷一一體遵共臻康樂毋  
違特示

曉諭漢興兩郡修寨圍糧勿種鴉片示

同治七年閏四月

爲剴諭漢興兩郡紳民及時修堡運糧整團固守並勸戒毋種鴉片以厚民生事照得民非穀不生穀非土不產土非逢年不穫逢年非與聚不豐蓋因天時順地利無一不歸本於農農之爲利普矣農之爲功大矣昔之日士冠農首今之時實農冠士首何以言之爲士者不盡有功於名教力農者無不有益於民生無如比年以來妨農傷農與農爭地爭利之害莫如種鴉片一端此大爲國計民生之累亦世道人心之憂也查漢興各屬去歲水潦爲災秋收減色糧價騰貴戶日流離甘肅饑民轉徙靡依餓殍相續傷心慘目如灼如焚幸本年交春以來雨暘應時仰荷

九

蒼吳仁

慈二麥成熟本道深慮爾百姓等願遂籌車心忌儲積富者惜搬運之費貧者憚肩背之勞有寨莫固蓋藏弗謹豈思患豫防之道古聖人重門擊柝以待暴客當承平世界尙不忌意外之虞况今日大憝未除烽烟密邇遺秉滯穗尤懼衝途茲特諭爾兩郡紳民人等務將已割之麥一律運入堡寨或囤或賣各隨其宜總須守清

野之規模路旁不留顆粒卽令賊來亦無從果腹奸匪更無可垂涎乘其旣去則分布民團兜擊隘口何至有齎盜糧之患時哉弗失洵未雨之綢繆也抑本道更有望者查陝省種鴉片之地現在廣而且多推求其故皆小民艱於度日貪此倍利未能遠謀且種烟之利用力少而獲利多務農之利獲利少而用力多民情好逸惡勞貪利忘義無怪其相習成風也究之種烟之利悖入悖出不特毒流海內常見患及身家務農之利肯播肯穫不特慶貽子孫亦且惠周黎庶孰得孰失必有能辨之者卽如本年種烟之地半遭雨雹多所損傷而遍視郊外麥場則貽我來牟幪幪穰穰足見

十

天心仁

愛一則先降小災以示警速望轉迴一則普被大澤以呈祥佑其勤苦禍淫福善卽此已顯有明徵又如甘肅一省兵連禍結白米一石價至紋銀一百餘兩老弱之衆半填溝壑豈甘省之地竟不足養甘省之人皆由十餘年前棄田不種貪取烟利以至於此利僅一時害延

三省觸

上蒼之震怒俾下民以流亾未始非貪利忘生之貽害無窮也

本道莅職斯土目睹此邦之人無論士農工商輿臺皂  
隸大半吸食鴉片者眾夫吸烟之人日衆自種烟之地  
愈增種烟之地愈增斯種穀之田日削愚氓慮不及此  
濡染漸深遷流何極用是憂民之憂再三誥告凡爾軍  
民人等務宜力加湔洗俾種烟之地盡返爲樹穀之區  
將見天降嘉祥時泰協雨風之好民歌樂歲兵銷增日  
月之光庶世道人心可烝烝日上矣毋違特示

曉諭漢興兩郡嚴禁異端以清奸宄示

同治七年七月

曉諭漢興兩郡士民禁異端而安本業事照得士農工商列爲四民所以清流品慎考覈有業可執按籍能稽故王者貴之重之開取士之科布勸農之令著通商惠工之文此其人皆束身爲良民者也世風日下惰游浸廣資用愈艱詐僞迭生邪慝並起故王制云亂名改作執左道以亂政者殺假於鬼神時日卜筮以疑衆者殺載在典籍法禁極嚴夫左道疑衆大抵張皇禍福誑騙資財不能耐四民之勞而欲兼四民之奉並非殺人取

十二

貨督不畏死可比乃王者加以大辟曾不哀矜豈仁心仁政獨不施於若輩哉誠以殺人之害淺顯易知左道之害詭譎不測其始僞託信義要結人心每持神怪之談以惑鄉愚之聽植根漸固引蔓益繁地方畏之而不敢推求豪強佐之以恣其欺侮及至毒螫已發芟薙靡遺痛玉石之俱焚慨瘡痍之滿目向使地方官見微知著禁於事前禍患何至如此之烈此漢唐以來奸民煽處前後如一轍也夫生死皆人所必有但未能知生安能知死古聖人之治人也立父子兄弟夫婦以親之定

君臣以統之設朋友以勵之相接以恩相通以情生有以養死有以葬此自堯舜以來中國教人之法行事如光天化日豈援引神道恐嚇世俗之邪說所能等量齊觀耶且人之有生如木之有萌也人之老而死亦如木之黃而落木之根不壞則積年而成棟樑人之心不虧則歷劫而成俊乂故問生前心之善惡即可知死後罪之有無果有罪耶雖向空祈福長跪誦經亦不能解免果無罪耶卽從不祈福從不誦經亦安能羅織今爾等不於自家身上檢點轉向他人壇前乞求有何益處徒見枉費錢米虛拋時日飽奸蠹之橐于地方之禁得不安分之名作事如此亦愚而可憐者矣若謂消災免禍則更有說自來大災大劫關繫世運人莫能逃昔項籍坑殺秦卒二十萬於新安白起坑殺趙卒四十萬於長平其中豈無一二善人何以不聞神道救其苦難又如髮捻兩逆蹂躪徧天下死者且數百萬其中又豈無敬奉神道以圖幸免之人乃浩劫臨頭神竟不能爲力豈非天道悠遠無由揣測之明證乎詩云自求多福太上云禍福無門惟人自召皆指人性根不壞定發善苗所

謂種瓜得瓜種豆得豆非謂燒香聚眾遂可免劫消災也本道訪聞漢興兩郡各屬常有一種匪人藉宣講

聖諭

之名設壇扶乩兼發馬腳男婦喧雜種種招搖大爲風

俗人心之害業已嚴飭地方官將開壇之人及設壇之家一體查拏按律究辦惟念爾等百姓見識短淺受其蠱惑置本業於不務觸法網而不知本道若不開導在前遽行懲治未免用法過嚴於心不忍爲此示諭闔屬士民人等知悉爾等經本道此次剴切曉諭須將生死利害用心體驗一番方知本道所言全爲爾等身家大

十四

局起見嗣後務宜洗心滌慮悔過自新如再有開壇誦經宣揚禍福之人卽會同左右鄰舍保約牌甲人等送官懲辦以清奸宄而肅地方則爾等塞此胎禍之源必永享昇平之福本道實有厚望若不加思索面從心違謂聚講爲無傷議長官爲多事則本道在任一日自能嚴禁一日但繩爾以法未能革爾以心異時故智復萌尾大不掉一旦決裂大肆誅鋤其時追思本道徙薪曲突之言嗚呼晚矣夫天地間至道有一無二大學中定靜二字乃下手工夫今爾等求神問卜囂然不安此心





批南褒田戶具控藉閏升期一案 同治七年六月

古人立法便民息爭止訟全在均齊和協一秉大公本道莅職漢南兩郡二十屬子民皆歸統轄有何厚薄致涉徧徇此士民之所易知亦卽爾等田戶可共信者也查堰水灌田乃因天地至足之源以施民生普濟之利但能多灌一畝卽可多活數人故自秦漢以來君相皆孜孜講求載在志乘豈囿倉囊篋中物據爲已有者可比三皇川旣編列版圖上輸

國課每年捐資修堰亦按畝均攤是該田戶出力無一不

十六

與衆同而獨逢置閏在五月以前每受制上游不能播種人情急則生變誠可憐憫亦可憂危必欲械鬪尋仇釀成巨案爾上壩田戶亦何利之有今年本道目擊情形秉公核斷無非欲爾等桑梓和協共享綏豐自信偏黨全無情理兼盡乃爾等飾詞上瀆屢次嘵嘵豈但本道不能判行卽詳至撫轅上達

天聽

曲直所在不待智者而後知爾等原稟謂三皇川卽九女壩係康熙年間私置荒地本無水分等語查三皇川與九女壩一東一西兩不相涉何得張冠李戴此有意

欺飾者一也南鄭使水人百分上下漢衛高橋洞三皇川爲三壩備載府志俱係

朝廷

正供豈得例以私墾荒田謂無水分此有意欺飾者二也查府志及所呈康熙五十六年碑文俱云照依上四下六定例前人立法本屬公平而爾等原稟並鈔出碑文一紙均改爲上六下四以圖朦混是何居心此有意欺飾者三也農以時爲重古人瞻蒲望杏不敢愆期故孟子云民事不可緩也若節過芒種尙不能栽插卽本年秋收無望而爾等謂三皇川栽秧雖遲發生甚易此有意欺飾者四也爾等招集婦孺抗令不遵致使下壩田夫來署喧譁現在正分別查辦而爾等轉將南邑縣主及褒學老師填砌多詞希圖聳聽試思衆田戶果真安分何至嚴拏學官不奉札飭安能越俎該紳矜果無唆使把持情事何至取辱此皆一面之詞有意欺飾者五也康熙年間碑文定以五月初一日封水係爲上下壩各不偏枯起見本無流弊至今奉行惟原議未想及閏月一層是其疎漏現處一百數十年之後情形更有不同全在地方官民設中乃心議事以制卽如

國家頒行條例年分稍久尙須修改豈有田產轆轤之事竟不憑情理不審事勢但靠一遠年碑文爲定者乎總之人心不古私智日萌下壩之人旣不能委曲求全上壩之人尤不能設身處地一則憑積年之勢任意把持一則執有理之詞率衆喧鬧核實究辦厥罪惟均本道歷任二年亦未必再逢夏閏惟念此南褒兩邑相近在百里之內爾等子孫長育於斯親友徵逐於斯不能任卹以睦鄰漸因怨嫉而成痞心實憂之是以日夜籌度欲爲爾等斟酌盡善釋嫌隙而躋以安永杜忿爭械鬪之

十六

患此乃本道推心置腹統計初終爲爾兩造士民大局起見豈來稟所謂利一家病一家哉爾等兩造田戶經此次明白批示之後若不各自悔過妥爲調停再敢匿情飾詞一心抗拒則爾等向日刁健情形瞭如指掌憲章具在勿謂本道不能執法也特諭

文人武不謂其與此一類懸其平又其計其計一

人亦不古味其比前不謂文人亦不謂其出未全

不燃靜殿不審事勢但靠一遠年碑文爲定者乎

國家頒行條例年分稍久尙須修改豈有田產轆轤之事竟

覆稟批示 同治七年七月

爾等前稟牽砌多詞種種誣罔本道逐一批示朗若列眉在稍爲明理之人必能痛悟前非俯首悔過茲復爲再三之瀆實屬刁健異常此案曲直無論開水何日封閉總以節過芒種上下壩均無誤栽插爲斷如下壩攔上壩不敷之水以致上壩不能栽秧此罪在下壩若上壩瀉下壩有餘之水以致下壩不能栽秧此罪在上壩朝廷設官分職畀以事權全在斟酌時宜變通盡利故古人謂時爲大宜次之又謂雖先王未之有可以義起吏治

十九

須本經術無非求合乎心理之安若拘泥不知變通則一胥吏足以畢事又何必勤求民瘼耶康熙乾隆年間兩壩構訟其時亦有相沿之舊例何以滕太守天綬吳太守敦儷必爲剗立章程按田分水不循舊例耶總之成法之善在大端不在一節變通之跡判曲直尤判公私本道於爾等兩壩恩怨全無厚薄從何而起此事可以自信亦可共喻豈因爾等嘵嘵置辯遂能搖奪耶爾田戶旣知食爲民天上下有何分別忍行捐勒遠年雖不可考卽以道光二十九年閏四月而論前道憲陳

親自赴堰拿回滋鬧之人足見該處恃強非自今始本道既莅斯土豈敢視官爲傳舍櫛置勿論耶該紳士果能問心無愧義正詞嚴何妨親身來轅聯名辯訴乃埋頭不出暗中主持轉謂伊等莫能操其權其誰欺耶本道準情酌理不論閏月早遲總以節過芒種爲封水定制本極平允若嚴飭該地方遵示辦理詳院入


奏

亦有何難不過由官作主則傷爾鄉黨之和氣是以前此批示一則曰斟酌盡善再則曰妥爲調停亦可謂委曲求全毫無偏袒乃爾等不思體貼德意轉以健訟爲

二十

能何執迷如此今爾等旣謂未封水以前設攔沙板則平流滔滔下達不致誤下壩栽插之期是否屬實尙須查核本道總以水利普存無誤栽插爲重並不偏執已見必欲改封閘之舊章但爾等欺飾多端一面雖如此說若不存有案據將來又有反覆何以彰公道而杜訟端其餘稟內錯解書義出語荒唐姑念鄉愚無知暫置勿論仰南鄭縣方令會同褒城劉令查明該處有田之紳衿及當地素有品望能明大義者從中調處妥議章程俾上下壩各得其平兩無虧負議定後稟明核奪該

田戶毋得再瀆致干懲究此諭詞發仍繳



三

田戶毋得再瀆致干懲究此諭詞發仍繳

先嚴天性爽快持己廉正通籍後無意仕進適值江鄉  
寇亂思歸不得官京師輒閉門種花啜茗茗以自遣偶  
置文讌則肴饌馨潔杯盤陸離風味異於流俗見者固  
知先嚴蘊蓄之深邃也丙寅

歲蒙

特旨召對奉

命巡視陝安於時漢南粵寇甫清回檢交乘近在肘腋人人

視爲畏途先嚴感

簡在之知毅然就道自以不習吏事刻意求治寢食俱廢及

一

易簣之日農商士女罔不嗚咽流涕謂使君何去我之  
速也先嚴生平著詩文最富散佚尤多諫章上達後  
輒削稿從不毛舉細故以塞言責嘗念漢南兵燹之餘  
教養未脩習尙浮動所以安民和衆驅除亂萌者一切  
務防患於微再三開導文告皆手製卒以此障方張之  
狂寇至今吏民服教孺婦知恩

忠萬

隨任來秦侍疾無

狀以至先嚴氣體素健遽爾彌留罪大莫能贖茲搜

集遺稿謹將立言之有關經世者先鈔錄付梓藉質海

內庶觀者知先嚴於國事民事兩不敢負也同治七



年十二月辛酉不孝男忠萬謹記



不孝男忠萬謹記

續刻

續刻



辦明湘果營勇目曾東成並無倡首鬧餉實蹟稟  
敬稟者竊惟立法首重勸懲而執法貴昭明允罰不足  
懲不如勿罰所以養威而昭德也如湘果副中一營去  
歲眾勇索餉跡近猖狂而情多急迫若按律嚴究不特  
激成事端且恐變生頃刻蒙

大人明見毫髮

調赴三原消患於無形示威於不怒庶僚在下罔不傾心  
本年四月十九日奉到

鈞札將彭提督稟究曾東成一案

飭令訊明如實係曾東成倡首鬧餉卽錄具供詞就地正  
法仰見

大人於整飭戎行之內仍寓哀矜折獄之思下懷曷勝欽佩  
查曾東成一案其情節以倡首鬧餉爲重其嫌隙實由  
私欠口角而生

職道

提集人証逐一研訊據見證之記

名總兵蕭慶美文生劉垂安等僉稱是晚曾東成與蕭  
慶祥彼此辱罵繼以揪扭經伊等從中拉散並無克毆  
致蕭慶祥受傷吐血之事至所討欠帳五十兩一錢曾  
東成謂此款木伊私蓄係投効時暫寄彭提督處理當

領回不得於大餉內扣抵而管理帳目之蕭慶祥以爲該目勇支取餉項爲數較多皆彭提督私自墊付以私抵私存款何得再給互相理論遂啟忿爭亦未聞曾東成有佑索欠餉之事再三究詰矢口不移此二十五日晚該目勇索銀口角之實在情形也至客冬眾勇丁鬧餉一層曾東成未能先期約束咎無可辭卽謂其平時心術不端從中觀望亦情事所有但其時羅跪教場者非止該目勇一哨彭軍門果能查訊明確將倡議者眾就地概與駢誅則不但受法者俯首無辭卽觀法者亦悚然知懼所謂辟以止辟迅雷不及掩耳者也刻下遣散之勇旣畏罪旋鄉開拔之勇更懷

二

德思奮是該副中一營雖屬乖張於前未嘗不震懾於後古人宥過無大倖反側自安豈皆姑息爲懷亦事勢有不得已也今彭軍門因索欠細故追究已往科罪一人是該營勇當跋扈之時則畏不與較萌悔悟之日轉迫不能容且曾東成罪狀未明按驗無實而欲徇一二浮議遽正典刑竊恐關乎生死之出入者其患小繫乎士卒之向背者其患大此

職道所以再四推鞫而無由閱

實其罪也彭軍門年少氣銳積忿未平不免成見豫存  
矯枉過正雖此時殺一曾東成如執匹雛有何疑畏然  
士心向背所繫人命情偽所關良非淺鮮伏乞

大人於彭提督進謁之時

加以開導牖啟其衷俾息事而安人弗藉端以發難則將  
士瞻

公忠而益奮人材因

造就而愈成矣所有訊明曾東成一案未敢擅擬緣由謹  
據實密陳是否有當統祈

三

鑒核不勝屏營翹企之至 職道 謹稟

佛坪廳稟軍務批 同治六年

據稟捻逆竄擾武功迤北高軍門等營現已移紮南山各緣由俱悉查佛坪西通畱鳳南接城洋爲蓋郿入漢第一要區該廳莅任以來並未隨時具報軍情本道殊深疑慮茲既稱軍務喫緊時刻畱心閱之稍慰捻逆屢圖竄漢從前肆擾斜峪關黑水峪一帶均近在該廳肘腋之間然猶來去靡常蹤跡無定其時山外可以奔突者尙寬也現大軍漸逼漸緊同朝臨渭俱有重兵又於藍田斷其趨荆紫關之路該逆情形窮蹙竄漢之勢已

四

成設使卒不及防被其闖入則拚命決鬪剪除不易驅逐亦難而蔓延更無底止查該廳之黑水峪辛口峪老君嶺等處與蓋屋近二郎壩黃栢園等處與郿縣近均係大路亟宜嚴防其餘雖烏道羊腸亦須恪遵 宮保前札層層挖斷設卡盤查使該逆無間可乘奸細不能混入則聲威克壯覬覦潛消所謂禁於未發之謂豫也至該處鄉團獵戶素稱得力該廳亦曾經勘驗伎藝嫻熟器械鮮明仍須督飭勤加操演免致日久懈生昔人謂不經錯節盤根何以別利器當此寇氛密邇計日殲

除地方官務宜振刷精神其平巨患毋得空談無補有  
負本道諄諄期望之心再該廳險要大小共有幾處現  
挖斷幾處設卡幾所務遵前札迅速繪圖貼說立等查  
核毋再玩延仍將所探軍情隨時申報以慰厯系勿違  
此札

札鳳縣三岔驛丞 同治六年

三岔驛驛丞知悉照得狃逆自去歲經官軍鏖字營痛  
加勦洗之後啓不畏死再陷寶雞並於除夕前擾及鳳  
縣東關連日以來西至黃牛紅花兩舖東至車到上下  
白雲等處均有賊騎已深入百數十里其注意南竄顯  
有可憑查三岔驛近當賊衝尤爲喫緊素論該驛丞明  
白事件果決有爲仰卽督飭團丁晝夜嚴防毋稍疎忽  
當此時事孔棘生靈保障全賴實心任事之人該驛丞  
務當勉爲其難以副厚望此札



札鳳縣 同治六年

鳳縣知悉前因狃逆竄擾該縣東關並分紮草涼黃牛等處當卽札飭該縣扼要嚴防在案茲查該縣城池平衍無險可扼其面南一帶城外地勢尤高爲城防所最忌刻下該逆雖有回竄之意然蹤跡飄忽來去靡常總宜派撥團丁各守各隘方爲縝密查該縣要隘如石門關龍王溝夫子嶺心紅峽各地方皆山谷險峻道狹且深足以張疑兵而壯聲勢仰卽查點團丁分布各口並督三岔驛朱驛丞就近調遣心紅峽司馬橋等處鄉團協力防禦該縣仍不時稽其勤惰以彰勸懲切勿視爲具文致干未便毋違此札

宜派撥團丁各守各隘方爲縝密查該縣要隘如石門關龍王溝夫子嶺心紅峽各地方皆山谷險峻道狹且深足以張疑兵而壯聲勢仰卽查點團丁分布各口並督三岔驛朱驛丞就近調遣心紅峽司馬橋等處鄉團協力防禦該縣仍不時稽其勤惰以彰勸懲切勿視爲具文致干未便毋違此札

札沔縣 同治六年

沔縣知悉本月初七日接到駐紮褒城武字前軍記名  
總鎮 何統帶來函內稱查褒局送文勇丁有被該縣  
鄉民網責等語除由本道函復外查楚軍武字各營紀  
律素嚴著在耳目此番越境助剿顧川北卽以衛漢南  
大局所關全在主客相諒卽有在外勇丁不安本分亦  
當稟官究辦何得擅自聚毆該縣卽趕緊出示徧諭鄉  
民俾知武字營捍衛漢南緣由務宜體征士之勤勞勿  
許構怨嫌以取戾如實係兵勇籍端滋擾該地方官自  
當移營究辦以肅戎行若該鄉民等並不稟明縣主輒  
行擅毆卽事後控告不誣亦必治以應得之罪該縣尤  
當秉公查覈毋得瞻徇遷就釀成事端致干併究此札

大局視關全在  
主客相諒卽有  
在外勇丁不安  
本分亦當稟官  
究辦何得擅自  
聚毆該縣卽緊  
急出示徧諭鄉  
民俾知武字營  
捍衛漢南緣由  
務宜體征士之  
勤勞勿許構怨  
嫌以取戾如實  
係兵勇籍端滋  
擾該地方官自  
當移營究辦以  
肅戎行若該鄉  
民等並不稟明  
縣主輒行擅毆  
卽事後控告不  
誣亦必治以應  
得之罪該縣尤  
當秉公查覈毋  
得瞻徇遷就釀  
成事端致干併  
究此札

襄城縣稟封水遲延批 同治七年

據稟金華堰封水遲延係該處鄉民籍詞推諉所致殊非實情查張景渠等既充當首士大眾自必聽其指揮若非伊等有意阻撓彼婦孺細民何敢抗違官長該縣身膺民社搜除豪惡責有攸司乃既無以鎮壓於前又不能折服於後現經本道嚴提查訊復爲該首士等架詞搪塞實屬過事姑息恇怯無能設或該鄉民等復將洞板抽開該縣能當此咎否除一面飭差將洞口晝夜看管外仍勒限嚴提張景渠等押送來轅聽候查辦毋得畏葸致干併究懍之慎之

九

同治七年... 襄城縣... 金華堰... 封水... 遲延... 係該處鄉民籍詞推諉所致殊非實情查張景渠等既充當首士大眾自必聽其指揮若非伊等有意阻撓彼婦孺細民何敢抗違官長該縣身膺民社搜除豪惡責有攸司乃既無以鎮壓於前又不能折服於後現經本道嚴提查訊復爲該首士等架詞搪塞實屬過事姑息恇怯無能設或該鄉民等復將洞板抽開該縣能當此咎否除一面飭差將洞口晝夜看管外仍勒限嚴提張景渠等押送來轅聽候查辦毋得畏葸致干併究懍之慎之

南鄭商民稟請撤銷幫費局批 同治七年

據稟漢南兵燹之後買賣凋零行商既裹足不前坐賈亦虛設門市皆切中地方情事本道所深知念自五年設防以來將近二載所有城防器械口食之需從未苛派閭閻一一就緒皆爾等商民勉力從公之所致有益於地方不淺其中貲本不足因以受累者亦在所必有然至今四民安堵奸匪潛蹤皆由城防經理有章亦即爾商民等幫助之力刻下軍務稍鬆理宜裁撤惟念狗氛時常游弋山口本年秋收較好現當收割之際亟須

十

嚴防且文武生童人等趕赴試場尤須防勇實力稽查地面方能肅靜此急欲將幫費裁撤而未能即時裁撤之由也本道望汝等再竭本年一歲之力年下悉令全撤以示體恤若本道遷調他處亦必爲爾等區畫慎始慎終斷不肯使爾等長久受累爾等其勉體本道之意毋再續陳此諭

南鄭商民稟請撤銷幫費局批 同治七年

札漢中興安兩府

同治七年

漢中興安兩府知悉照得州縣切近地方全在良莠分明好惡昭著俾愚氓知所趨向奸宄無可藏身最爲司牧一大關鍵查南山以內游民煽處實繁有徒若聽其遇事生風藉端蠱惑歲月既久滋蔓益深關繫實非淺鮮本道訪聞漢興兩屬有一種匪人以宣講


聖諭爲名開壇誦經男婦喧雜且私立仙佛名號侈談禍福恐

嚇愚人其中川民居多亦有本地劣衿爲之羽翼所刊書籍皆膚淺荒誕俳優鄙俚之詞其爲聚眾斂財確無

十一

疑義本道已於郡城捕獲多人逐一研訊惟此等風氣近日到處皆有且消息潛通必須一律查拏方能肅清地方嚴防曲突合行札飭札到該府卽速通飭各屬務將此種匪人明查暗訪分別懲究一面出示曉諭城鄉使百姓洞知其奸勿爲所惑仍飭該縣於點卯時面諭各鄉約牌甲人等如有開壇聚眾之處該鄉地不報一經訪聞確實除將本人及設壇之家照律嚴辦外左右鄰舍及保約人等一併連坐方足以息邪說而正人心該廳州縣切勿視爲具文致貽後患並飭將奉到來札

日期具文申報毋違此札



十三

日期具文申報毋違此札

再札漢中興安兩府 同治七年

漢中興安府知悉照得除莠方能安良明刑必先敷教本道訪聞漢興各屬多有奸民惑眾開壇誦經雖立宣講

聖諭之名並無宣講

聖諭之事種種荒謬卽

聖諭內所斥之異端本道前已札行該府通飭各屬查拏並出示嚴禁在案迄今多日尚未據該牧令等申報奉文日期茲由本道刊刻告示剴諭士民該府卽頒發各屬其不敷張貼之處着照式繕寫多張務必字跡歸真以便

三

民讀仍代爲標硃鈐印以昭信守夫涓涓不竭將成江河泰山之漚可以穿石該牧令職在民社毋得姑息釀禍用靖地方此札

移西洋高主教 同治七年

爲移覆事本年七月初七日接奉

大移得知張振元尚押禁漢陰廳並未回籍等因到署  
敝署查閱四月十二日接興安府德守來稟據稱張振  
元一案未敢擅專請由道審結等語當經本道以此案  
人證近在漢陰由該府提審訟端易於剖析毋庸推諉  
至該府既不敢擅專應俟訊明後開具供摺稟候核辦  
自批示去後尚未稟覆茲准

來移事理當再飭興安府將此案迅速審結以免拖累  
至該府前此未收大移揆度其情係恐張振元有挾而  
求未便開拆尚屬慎重公事並非於  
貴主教有齟齬處總之中外之設教雖殊辦事之持平  
則一本道惟秉公酌斷用昭協和決不稍存偏倚之見  
也須至移者



先嚴公牘文字 不孝 已付手民於漢藉質同官其時束

裝匆匆殊多遺漏去歲病中搜尋故紙復得數首皆

先嚴棄稿 忠萬 於敝篋中檢出者雖零篇賸幅宏旨未

備而當日規畫邊陲盡心民事之大畧猶可想見謹附

前刻之末以俟當世君子鑒別焉同治九年三月朔 不

孝忠萬續記



先忠萬續記

先忠萬續記

先忠萬續記

先忠萬續記

先忠萬續記

先忠萬續記

金陵府東大街黃起東家刻字老店刊刻



南京市书店  
定价:0.50